



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Exercitium Divinum De Praesentia Dei**

**Arias, Francisco**

**Herbipoli, 1612**

Hac Praesentiae Divinae contemplatione vinci tentationes, & virtutem  
perseuerantiae obtineri. Cap. V.

[urn:nbn:de:hbz:466:1-50314](https://nbn-resolving.org/urn:nbn:de:hbz:466:1-50314)



44 FRANC. ARIÆ EXERC.

& die noctuq<sup>3</sup> super custodiam meam  
vigilas, omnes semitas meas diligenter  
notans, speculator perpetuus, velut si  
totius creatura tua cœli & terra ob-  
litus tantum me solum considerares,  
& nihil sit tibi cura de alijs, DEVS  
meus terribilis & fortis, timore pa-  
riter, & ingenti rubore confundor,  
quoniam nobis magna est indita ne-  
cessitas iustè rectèq<sup>3</sup> viuendi, qui cun-  
ctâ faciamus ante oculos iudicis cun-  
ctâ cernentis. Hucusque Augu-  
stinus. Vnde intelligimus, quan-  
tam vim & efficaciam ad cauenda  
peccata posuerit in conside-  
ratione diuinæ præsentia.

HAC PRÆSENTIAE DI-  
uina contemplatione vinci tentatio-  
nes, & virtutem perseveran-  
tia obtineri.

CAP. V.

C Ontemplatio diuinæ præ-  
sentia facit, vt non solum à  
pecca-



peccatis commissis resipiscamus,  
 verùm etiam vt in illa, antequã  
 fiant, non labamur: dum enim  
 Deum nobis quasi præsentem  
 conspiciamus, & cor nostrum in  
 eum attollimus, accenditur in  
 animis nostris quædam cupidi-  
 tas omnes spirituales hostes de-  
 bellandi, nec deest diuinitus fa-  
 uor & auxilium. Insultarant  
 quondam impij Israëlis senes in-  
 noxiæ Susannæ, comminantes  
 lapidibus obruendam, nisi libi-  
 dini suæ faciat satis. Videamus,  
 qua via & ratione tantam tenta-  
 tionem expugnarit. Considera-  
 bat nimirum se stare in conspe-  
 ctu Dei, Deumque in se oculos  
 defigere; vnde tanto terrore pu-  
 doreque peccati correpta est, tan-  
 taque vi & robore aduersus pec-  
 candi tentationem erigere ani-  
 mum cœpit, vt nulla interposita  
 mora



46 FRANC. ARIÆ EXERC.

Dan. 13.

mora decreuerit potius honoris & vitæ, cum totius familiae suæ dedecore iacturam facere, quàm consentire peccato. Sic enim respondit. *Angustia sunt mihi vndiq<sub>3</sub>: Si enim hoc egero, mors mihi est: Si autem non egero, non effugiam manus vestras. Sed melius est mihi absq<sub>3</sub> opere incidere in manus vestras, quàm peccare in conspectu Domini. O sententiam dignissimam, quæ in omni tentatione dæmonis, vel mundi vsurpetur. Potius vitæ discrimen adiero, quam vt in conspectu Dei delinquam.*

Miles strenuus, quando in bellico conflictu animaduertit Imperatoris, vel Ducis belli oculos in se intentos, longè ardentius pugnat, quia scit in eius potestate esse, post partam victoriam spolia, vel officia militaria in bene meritos distribuere, quid



quid ergo non faciat miles Christi, dum in quotidiana sua, cum dæmone, mundo, & carne dimicatione videt in se oculos diuinæ maiestatis coniectos? dum æterna meminit sibi decreta præmia? dum scit in ipso ardore pugnæ sibi affuturas diuinarum manuum suppetias? Veritatem huius rei quotidiana confirmat experientia. Si enim contingat seruum aliquem Dei, oblata succedendi vel indignandi, verbi causa, occasione, immemorem esse superni numinis, nec ordinariè cor suum in Deum eleuare, videmus eum facilè prolabi in verba impatientiæ, vel certè in animo peruersas agitare cogitationes: si autem cor habeat erectum in Deum, omniaque sua pia desideria in eum referat, obrepentibus similibus tentationibus. facilè con-



48 FRANC. ARIAE EXERC.

lè conquiescit, nec finit animum suum perturbatione aliqua concitari vel succumbere.

Cap. 8.

PALLADIUS in historia sua Lausiaca commemorat se, cùm aliquando adiuncto comite monachum quendam religiosissimum, rerumque diuinarum peritissimum, nomine Dioclem, inuiseret, inter alia hoc documentum ab eo accepisse, hominem piū, quamprimū à contemplatione diuinæ præsentia cessarit, continuò fieri, vel dæmonem, vel bestiam: bestiam quidem si succumbat tentationibus carnis, & illecebrarum carnalium: dæmonem verò, si iracundiæ, arrogantia & similibus. Cumq; Palladius cum percunctaretur, qua ratione posset anima, nulla quiete vel cessatione interposita, defixam mentem habere.



habere in Deo? Respondit; quotiescunque mens nostra occupata sit in consideratione pia & salutari, quæ ad Deum deducat, tum defixam esse in consideratione Dei. Cùm autem sanctus ille, tantopere in rebus pijs exercitatus dixit, hominem simulatq; Dei oblitus fuerit fieri dæmonem vel bestiam, non intellexit id fieri solo lapsu in noxam lethalem, cùm non facilè is contingat seruis Dei, sed etiam lapsu leuiori immoderatae cupiditatis, qua aliquo modo similis vel dæmoni, vel bestia reddatur. Quocirca nullo modo conuenit seruum Dei, vt aliquando negligat præsentem contueri Deum, impendente tentatione, & dum se occasiones offerunt iræ, impatientiæ, superbiæ, vel tristitiæ mundanæ, aliaque indomitæ

C

perur-



50 FRANC. ARIAE EXERC.

perturbationes, diuinæ obliuiscî  
præsentia: tunc enim celerrimè,  
magnaque cum vigilantia cor e-  
leuandum est ad Deum, eiusque  
auxilium implorandum. Nam vt  
docuit S. Antonius, vnicum an-  
tidotum ad vincendas omnes  
dæmonis tentationes præsentif-  
simum est, continuam Dei, cum  
spiritali gaudio, retinere memo-  
riam: ea omnes illius laqueos &  
dolos illicò dirumpi, & in fumos  
euanescere. Quod autem &  
ipsum spiritale gaudium nasca-  
tur ex contemplatione Dei præ-  
sentis, iam iam ostendemus.

EXERCITIO DIVINAE PRAE-  
sentiae acquiri stabilitatem cordis, om-  
nium virtutum perfectionem, &  
exteriores mundi-  
tiam,

CAP.